



তুরস্ক-পাকিস্তান-সৌদির চুক্তিকে স্বাগত জানালেন ট্রাম্প



ডোনাল্ড ট্রাম্প | ছবি: সংগৃহীত

তুরস্ক, পাকিস্তান ও সৌদি আরবের মধ্যে হওয়া মক্কা যৌথ প্রতিরক্ষা চুক্তিকে ইতিবাচক হিসেবে দেখছেন মার্কিন প্রেসিডেন্ট ডোনাল্ড ট্রাম্প। তিন দেশের এই উদ্যোগকে মধ্যপ্রাচ্যে সহযোগিতা বাড়ানোর ক্ষেত্রে তাৎপর্যপূর্ণ বলে মন্তব্য করেছেন তিনি।

রোববার (১৬ আগস্ট) ট্রুথ সোশ্যাল প্রকাশিত এক বার্তায় চুক্তি নিয়ে নিজের অবস্থান জানান ট্রাম্প।

বার্তায় ট্রাম্প বলেন, তিন দেশ চুক্তিতে পৌঁছানোয় তিনি সন্তুষ্ট। তার ভাষ্য অনুযায়ী, এ উদ্যোগ আঞ্চলিক দেশগুলোর মধ্যে ঐক্য আরও জোরদার হওয়ার ইঙ্গিত দিচ্ছে এবং নিজেদের প্রতিরক্ষা সক্ষমতা বাড়ানোর পথ তৈরি করবে।

চুক্তিকে সামনে এগিয়ে নেওয়ার জন্য সৌদি আরব, তুরস্ক ও পাকিস্তানের নেতৃত্বের প্রশংসা করেন মার্কিন প্রেসিডেন্ট। তিনি এটিকে বড় ধরনের একটি উদ্যোগের সূচনা এবং সাহসী পদক্ষেপ হিসেবে উল্লেখ করেন।

মক্কা যৌথ প্রতিরক্ষা চুক্তির মাধ্যমে তিন দেশের পারস্পরিক নিরাপত্তা সহযোগিতা আরও জোরদার হওয়ার সম্ভাবনা তৈরি হয়েছে।